

資治通鑑今註卷五十二

司馬光編集
傅樂成註

漢紀四十四 起開逢闕茂盡旂蒙作噩凡十二年（甲戌至乙酉，西元一三四年至一四五年）

孝順皇帝下

陽嘉三年 西元一三四年

（一）夏，四月，車師後部司馬率後王加特奴，掩擊北匈奴於閭○吾陸谷，大破之，獲單于母。

（二）五月，戊戌（四日），詔以春夏連旱，赦天下。上親自露坐○德陽殿○東廂請雨，以尚書周舉才學優深，特加策問。舉對曰：「臣聞陰陽閉隔，則二氣否塞。陛下廢文帝，光武之法，而循亡秦奢侈之欲；內積怨女，外有曠夫；自枯旱以來，彌歷○年歲，未聞陛下改過之効；徒勞至尊，暴露風塵，誠無益也○。陛下但務其華，不尋其實，猶緣木希魚，却行求前○。誠宜推信革政，崇道變惑；出後宮不御之女，除太官重膳之費。易傳曰：『陽感天，不旋日○。』惟陛下留神裁察。」帝復召舉面問得失，舉對以宜慎官人，去貪汙，遠佞邪。帝曰：「官貪汙佞邪者爲誰乎？」對曰：「臣從下州超備機密

④，不足以別羣臣。然公卿大臣數有直言者，忠貞也；阿諛苟容者，佞邪也。」

太史令張衡亦上疏言：「前年京師地震土裂，裂者威分，震者民擾也。竊懼聖思厭倦，制不專已，恩不忍割，與衆共威。威不可分，德不可共。願陛下思惟所以稽古率舊，勿使刑德八柄⑤，不由天子。然後神望允塞，災消不至矣。」

衡又以中興之後，儒者爭學圖緯⑥，上疏言：「春秋元命包⑦，有公輸班⑧與墨翟，事見戰國；又言別有益州⑨，益州之置，在於漢世。又劉向父子，領校秘書，闕定九流，亦無讖錄⑩。則知圖讖成於哀平之際，皆虛僞之徒，以要世取資；欺罔較然，莫之糾禁。且律歷、卦侯、九宮、風角⑪，數有微効，世莫肯學，而競稱不占之書⑫。譬猶畫工惡圖犬馬，而好作鬼魅⑬；誠以實事難形，而虛僞不窮也。宜收藏圖讖，一禁絕之。則朱紫無所眩，典籍無瑕玷矣。」

(三) 秋，七月，鍾羌良封等復寇隴西、漢陽，詔拜前校尉馬賢爲謁者，鎮撫諸種。冬，十月，護羌校尉馬續遣兵擊良封，破之。

(四) 十一月，壬寅(十一日)，司徒劉崎、司空孔扶免，用周舉之言也。乙巳(十四日)，以大司農黃尚爲司徒，光祿勳河東王卓爲司空。

(五) 耿貴人數爲耿氏請，帝乃紹封耿寶子箕爲牟平侯⑤。

【註】

① 閭：音昌（夕尤）。

② 露坐：露天而坐。

③ 德陽殿：據後漢書七桓帝紀，德陽殿在北宮掖庭中。

④ 彌歷：經歷。

⑤ 誠無益也：謂不改過修德，雖露坐亦無濟於事。

⑥ 猶緣木希魚，却行求前：李賢

曰：「緣木求魚，孟子之文。韓詩外傳曰：『夫明鏡所以照形，往古所以知今；惡知往古之所以危亡，無異却行而求達於前人也。』」却行，後退而行。二者均喻事之決難有成。

⑦ 費易傳曰：「陽感天，不旋日」：費

易，指西漢費直所治之古文易。胡三省引易稽覽圖中孚傳曰：「陽感天，不旋日；諸侯不旋時；大夫不過春。」

鄭玄注云：「陽者，天子。爲善一日，天立應以善；爲惡一日，天立應以惡。」

⑧ 臣從下州超備機密：胡

三省曰：「舉自冀州刺史徵拜尚書。」

⑨ 八柄：胡三省曰：「周禮，王以八柄馭羣臣：一曰爵，以馭其貴

；二曰祿，以馭其富；三曰予，以馭其幸；四曰置，以馭其行；五曰生，以馭其福；六曰奪，以馭其貧；七曰廢，以馭其罪；八曰誅，以馭其過。」

⑩ 圖緯：謂圖讖及緯書。圖讖爲預言式之文字或圖畫，詭爲隱語，以

示吉凶。緯書爲漢代經生假託經義以究災祥之書，緯者取與經相輔之義。有所謂「七緯」，卽易緯、書緯、詩緯、禮緯、樂緯、孝經緯、春秋緯。

⑪ 春秋元命包：春秋緯之一。

⑫ 公輸班：李賢曰：「衛集云：『

班與墨翟並當子思時，出仲尼後也。』」

⑬ 益州之置，在於漢世：益州置於武帝元封五年（西元前一〇六年）。

⑭ 劉向父子領校祕書，闕定九流，亦無讖錄：李賢曰：「成哀時，劉向及子敞爲祕書，校定經傳諸子等。九流謂儒家、道家、陰陽家、法家、名家、墨家、縱橫家、雜家、農家。見《漢書》藝文志，並無讖說。」

②律歷、卦候、九宮、風角；律歷，謂樂律及曆法。卦候，西漢京房以六十四卦配節候，曰卦候。九宮，陰陽家之星占學。風角，古占候之法，以五音占風而定吉凶。

③說稱不占之書：不占，無據。謂說稱讖說。

④惡圖犬馬而好作鬼魅：李賢引韓子曰：「宥有爲齊王畫者，問『讖孰難？』對曰：『狗馬最難。』」『孰易？』曰：『鬼魅最易。狗馬人所知也，故難；鬼魅無形，故易也。』

⑤紹封耿寶子爲牟平侯：耿寶貶死事，

見卷五十一、安帝延光四年（八）。

四年西元
一三五年

（一）春，北匈奴呼衍王侵車師後部；帝令敦煌太守發兵救之，不利。

（二）二月，丙子（十六日），初聽中官得以養子襲爵。初，帝之復位，宦官之力也。由是有寵，參與政事。御史張綱上書曰：「竊尋文明二帝，德化尤盛，中官常侍，不過兩人；近倖賞賜，裁滿數金。惜費重民，故家給人足。而頃者以來，無功小人，皆有官爵。非愛民重器，承天順道者也。」書奏不省。綱，皓之子也。旱。

（三）謁者馬賢擊鍾羌，大破之。

（四）夏，四月，甲子（五日），太尉施延免。

（五）戊寅（十九日），以執金吾梁商爲大將軍，故太尉龐參爲太尉。商稱疾不起，且

一年；帝使太常桓焉奉策，就第即拜^⑤，商乃詣闕受命。商少通經傳，謙恭好士，辟漢陽巨覽^⑥、上黨陳龜爲掾屬，李固爲從事中郎，楊倫爲長史。

李固以商柔和自守，不能有所整裁，乃奏記於商曰：「數年以來，災怪屢見。孔子曰：『智者見變思形，愚者覩怪諱名^⑦。』天道無親，可爲祇畏^⑧。誠令王綱一整，道行忠立，明公踵伯成之高^⑨，全不朽之譽。豈與此外戚凡輩，耽榮好位者，同日而論哉！」商不能用。

(六) 秋，閏八月，丁亥(一日)，朔，日有食之。

(七) 冬，十月，烏桓寇雲中，度遼將軍耿种追擊，不利。十一月，烏桓圍嘩於蘭池城，^⑩發兵數千人救之，烏桓乃退。

(八) 十二月甲寅(三十日)，京師地震。

【註】

①初聽中官得以養子襲爵：胡三省曰：「曹操階之，遂移漢祚，其所由來者漸矣。」

②帝之復位，宦官之力也：事見卷五十一、安帝延光四年(十三)。

③與：讀曰預。

④綱，皓之子也：張皓見卷五十二。

⑤就第即拜：胡三省註謂杜佑曰：「後漢策拜諸王侯三公之儀，百官會位定，謁者

引光祿勳前；謁者引當拜者前，伏殿下。光祿前一拜，舉手曰：「制詔，其以某爲某。」讀策書畢，拜者稱臣再拜。尚書即以璽印綬付侍御史，前面立受印璽綬，當受策者再拜頓首三。贊謁者曰：「某王臣某新封某公某初除，謝！」中謁者報：「謹謝！」贊者立曰：「皇帝爲公興重坐。」受策者拜謝，起就位，禮畢。「自漢以來，惟衛青以有功卽軍中拜大將軍，未聞有就第卽拜者也。況以此異數加之后父乎！」

⑥巨覽：巨姓，寬名。

⑦孔子曰：「智者見變思形，愚者覩怪諱名」；胡三省曰：「范（曄後漢）書李固傳，形作刑。此二語蓋亦本之緯書。」

⑧天道無親，可爲祗長；李賢曰：「祗，敬也。言天道無親疎，惟善是與，可敬而畏也。」

⑨明公隱伯成之高；胡三省引莊子曰：「伯成子高，唐虞時爲諸侯，至禹，去而耕於野。」

⑩蘭池城：胡

水和元年西元一三六年

(一) 春，正月，己巳（十五日），改元，赦天下。

(二) 冬，十月，丁亥（七日），承福殿火。

(三) 十一月，丙子（二十七日），太尉臚參罷。

(四) 十二月，象林○蠻夷反。

(五) 乙巳（二十六日），以前司空王龔爲太尉。龔疾宦官專權，上嘗極言其狀。諸黃門使客誣奏龔罪，上命龔亟自實○。李固奏記於梁商曰：「王公以堅貞之操，橫爲讒佞